



浙江文獻集成

邵廷采全集

〔清〕邵廷采 撰

陳雪軍
張如安

點校整理

浙江大學出版社
ZHEJIANG UNIVERSITY PRESS

紹興先正遺書四集之二

思復堂文集卷一

餘姚邵廷采

明儒王子陽明先生傳

先生名守仁字伯安紹興餘姚人講學于陽明洞自號陽明
子父華成化十七年進下第册

東南紀事 西南紀事
姚江書院志略 附錄

有才名弘治十二年進士授刑部主事

邵廷采全集

下冊

東南紀事 西南紀事
姚江書院志略 附錄

〔清〕邵廷采 撰

陳雪軍 點校整理
張如安

圖書在版編目(CIP)數據

邵廷采全集 / [清]邵廷采撰;陳雪軍,張如安點校整理. —杭州:浙江大學出版社,2018.4
(浙江文獻集成)
ISBN 978-7-308-18129-7

I. ①邵… II. ①邵…②陳…③張… III. ①邵廷采(1648—1711)—全集 IV. ①Z424.9

中國版本圖書館 CIP 數據核字(2018)第 071058 號

邵廷采全集

[清]邵廷采 撰

陳雪軍 張如安 點校整理

責任編輯 張小苹

責任校對 胡 畔

封面設計 續設計

出版發行 浙江大學出版社

(杭州市天目山路 148 號 郵政編碼 310007)

(網址:<http://www.zjupress.com>)

排 版 杭州隆盛圖文制作有限公司

印 刷 浙江新華數碼印務有限公司

開 本 710mm×1000mm 1/16

印 張 72.25

字 數 815 千

版 印 次 2018 年 4 月第 1 版 2018 年 4 月第 1 次印刷

書 號 ISBN 978-7-308-18129-7

定 價 300.00 圓(全二冊)

版權所有 翻印必究 印裝差錯 負責調換

浙江大學出版社市場運營中心聯繫方式:0571-88925591;<http://zjdxcs.tmall.com>

東南紀事

東南紀事目錄

東南紀事跋 徐 幹 五四一

東南紀事卷一

唐王聿鍵 五四二

唐王聿諤 五六一

唐王聿錡 五六二

東南紀事卷二

魯王以海 五六三

東南紀事卷三

黃道周 五七四

東南紀事卷四

蔣德璟	五八九
路振飛	五九〇
曾 櫻	五九一
傅 冠	五九一
金 聲	五九三
萬元吉	五九五
楊廷麟	傳闕	五九六
曹學佺	五九七
姜一洪	五九七
吳聞禮	五九八
鄭爲虹	五九八
王士和	五九九
胡上琛	五九九
蘇觀生	六〇〇

東南紀事卷五

張國維 六〇三

徐石麒 六〇五

熊汝霖 六〇八

熊汝霖傳後 六一二

孫嘉績 六一三

錢肅樂 六一五

朱大典 六一六

余煌 六一八

陳潛夫 六一九

陳函輝 六二〇

張肯堂 傳闕 六二一

吳鍾巒 傳闕 六二一

東南紀事卷六

鄭遵謙 六二二

劉穆 六二四

王之仁 六二五

王正中 六二六

于穎 六二七

吳易
傳闕 六二七

東南紀事卷七

王翊 六二八

劉翼明 六三二

王江 六三三

邵一梓 六三三

俞國望 六三四

陳天樞 六三四

王善長 六三五

章欽鄰
傳闕 六三六

馮京第
傳闕 六三六

東南紀事卷八

王毓著 六三七

潘集 六三八

周卜年 六三九

朱瑋 六三九

倪舜平 六四〇

高岱 六四〇

沈之泰 六四一

徐復儀 六四一

趙天麟 傳闕 六四二

華夏 傳闕 六四二

東南紀事卷九

張煌言 六四三

附錄：逸事 六四八

葉羅二客傳 六五一

東南紀事卷十

黃斌卿 六五四

周崔芝 六五六

張名振 六五七

東南紀事卷十一

鄭芝龍 六六〇

鄭成功 上 六六二

東南紀事卷十二

鄭成功 下 六七三

鄭鴻逵 六八四

東南紀事跋

明人讀書能尚氣節，辨義利。當南都淪覆，鼎命已移，故老遺臣藉閩浙滇粵殘局，奉孱王以支撐山陬海澨且二十年。雖跋涉逃竄，疲於奔命，而忠義感發，不計成敗，固足以維繫綱常矣。明季野史雖多，非限於見聞，即取材龐雜，其間善本蓋寡。國朝纂修明史，自有體裁，不暇詳爲紀掇。餘姚邵念魯先生，康熙時人，距明季未遠，尚有一二耆老可資諮訪；又海內平一，故其見聞亦非限於方隅者可比。撰《東南紀事》十二卷，以存魯王、唐王；撰《西南紀事》十二卷，以存桂王。辭尚體要，無慚作者。昔常璩著《華陽國志》，崔鴻著《十六國春秋》，馬令、陸游皆著《南唐書》，載記一類，實輔正史並行；軼事遺聞，賴以不泯。邵氏此書，亦其次也。惜書成未刻，僅鈔本流傳。往年馬端愍公撫浙，擬刻此書，懸百金求其本，不可得。幹幸得見之，遂刊諸梨棗，冀勝國諸臣忠義之烈久而彌新，且與《華陽國志》諸書並傳不朽，亦藝林勝事也。光緒甲申九月邵武徐幹識。

東南紀事卷一

唐王聿鍵 附：弟聿鏗、聿鏜

唐王聿鍵，小字長壽，太祖第二十四子唐定王之後。定王，李賢妃出也，洪武二十四年封於唐，國南陽，永樂六年之國。子靖王。靖王無子，傳弟憲王，再傳莊王、成王，復無子，傳弟恭王之子敬王。敬王繼統三十餘年，壽七十一，世宗時，屢存問。再傳順王、端王，端王之孫是爲聿鍵。自定王至聿鍵凡九世，初封德昌王，父世子義，母毛氏。端王惑嬖妾，囚義承奉所，聿鍵方三歲，從之。稍長讀書，能識大義，雖處內難，正志不挫。義爲弟所毒，端王諱之，將傳次子守道。陳奇瑜入弔，謂王曰：「世子薨逝不明，若又不立其子，事必發覺。」王懼，始爲聿鍵請名，立爲世孫。崇禎五年，王薨，鍵年三十一，嗣位。七年，流寇披猖，聿鍵念南陽要衝而城痺薄，捐千金謀修築，知府陳振豪弗授功，聿鍵以爲言，崇禎帝震怒，逮振豪置理。聿鍵又援潞王近事，乞增兵三千人，設參將一，以陳永福充之，不許。八年冬，賊再犯南陽，上

疏：「臣府護一千二百人，近制以其半爲開封班軍，給撫臣以下繇使無謂，惟明詔念臣困厄，以全軍見還！」報曰：「南陽班軍番直，祖制已久，朕不敢變。」時朝廷欲行宗室換授之法，陳子壯署禮部事，執不可；聿鍵貽書子壯，相駁難。其書稱說典訓，援據經傳，皆有本，廷臣顧弗及知，特以爲諸侯王尚氣持異同而已。會子壯下獄，衆口惜子壯者，輒以尤聿鍵；聿鍵亦薄公卿不足重，而爭宗藩體統，劾總督盧象昇不朝。其所建請頗多，群臣交忌之。九年八月，京師戒嚴，聿鍵率護軍勤王，汝南道周以興止之，不聽。至豫州，巡按御史楊繩武以聞，旨下切責。會前鋒值寇亡，其內豎二人乃還國，廢爲庶人，安置鳳陽高牆。使者欲以檻車往，聿鍵自裁，不殊。至鳳陽，守陵閩人求賄不得，墩鎖困苦之，聿鍵不勝辱，病幾殆，妃曾氏割股進，始愈。有司廩祿不時，資用乏絕。時望氣者以高牆中有天子氣，言於淮撫路振飛，振飛假賑罪宗入牆，見聿鍵，心獨異之。聿鍵告吏虐狀，振飛上疏請加恩罪宗，贍以私錢，且謫其吏之無狀者。

福王初立，大赦，聿鍵出高牆，封南陽王，遣官送寓平樂，未行而南都陷。南陽王至嘉興，前刑部尚書徐石麒，淮撫錢繼登等請留監國，王不可。六月八日，潞王監國於杭州，王拜牋賀。越三日，大清兵至塘棲，潞王出降，瑞王、惠王亦自紹興降。

初，靖魯伯鄭鴻逵邂逅王京師，相識。至鴻逵移軍還閩，道浙河，王方至，戶部主事蘇觀生、翰林張家玉等咸以王可濟大業，與鴻逵奉王南行，諸臣慷慨交拜，矢獎明室，共請王監國。王覽啓悲慟，進衢州，收散卒得千餘人。廿八日，朝見臣民於建寧。閏六月三日，次水口驛，

驛吏具大舟，却之，乘民舟，不飾綵幔導，去鼓吹，民人聚觀相慶。臨驛廨朝謁行四拜體，王答二拜，賜坐。安南伯鄭芝龍、靖魯伯鄭鴻逵、巡撫都御史張肯堂、閩廣督巡劉若金、巡按吳春枝、戶部侍郎何楷、大理卿鄭瑄、左通政馬思理、光祿少卿林銘鼎、四川按察使曹學佺、御史郭貞一，諸臣自南都來者，皆素服待罪，旨弗問。時議課州縣修宮，學佺曰：「仁聲儉德，王政所先，睿駕甫臨，而先有茲舉，不肖有司因而蠹民，無乃彰王過乎？」亟止之。王欲擇戶部尚書，咸舉何楷，楷辭，王諭曰：「往崇禎乙亥，孤閱邸抄，得侍郎掖垣諸疏，藏之中心，已非一日，古云：『臨危杖節，必敢諫中求之』，其勿固辭！」楷乃受任。

曹學佺陳三事：其一，福建正供悉貯兵餉，毋或濫支，以防不給；其一，禮成之後，即命鄭鴻逵抵關，相度防守進取事宜以聞；其一，禁游兵行剽，令舊軍速招歸伍以紓民。王曰：「此海內宿儒也！」命悉允行。

初七日，王監國於福州，祭告天地，設行太廟、唐國宗廟，用太牢，駕入城，居南安伯府。二十七日，即帝位，詔曰：「朕以天步多艱，王室不靖，荷茲監國，已及經旬，四方懷風勤王之師漸集。方躬履行陣莫敢寧居，而文武臣僚，咸稱渙萃之義，責於立君寵綏之功，本於天作，時哉弗可失，天定靡不勝。朕自顧闕然，未有丕績，以仰對上帝祖宗。自臨安委轡，尊攘無期，小大泛泛，有如河水，朕敢不敬承，勉從群望？爰稽載籍：光武聞子嬰之信，六月即位鄴南，以是年爲建武元年，誕膺天命；昭烈聞山陽之信，四月即位漢中，以是年爲章武元年，立宗廟社稷。艱危之中，豈利大寶？亦惟興義執言，繫我臣庶之志；以今揆古，豈曰不宜？」

其以今年七月一日以後爲隆武元年，奉天翊運，定難功臣，次第進爵，稍俟恢復，裂土酬庸；宣猷守正，文臣亦進級；孝秀耆宿軍民人，俱優給；所在山川鬼神，除淫祀不在典制者，皆遣正官精禋祭告，以明朕繼承基緒，爲天下請命之意。」

先是張肯堂建議，如唐肅宗故事，以監國稱天下兵馬大元帥，俟復南京，然後即位。王尚猶豫，群臣多勸進，乃從之。

以布政司爲行殿，門曰行在大明門。駕自督府移蹕，芝龍戎服前導，鴻逵以禁旅百官次扈從侍班鵠立，始聞環佩之聲，及寅王御袞冕升殿，受朝賀，頒詔於各省府州縣，大赦。是日，南郊大風，揚沙拔木，尚寶卿馬驚，玉璽墜地，損其一角，人咸嘆異。上唐國四親帝后號謚，改福建省爲福京，福州爲天興府，府學爲國子監，百官俱稱行在，論翊戴功。封鄭芝龍爲平魯侯，鄭鴻逵爲定魯侯，鄭芝豹澄濟伯，鄭彩永勝伯，張肯堂爲吏部尚書，吳春枝兵部尚書，周應期刑部尚書，鄭瑄工部尚書，曹學佺太常寺卿。起蔣德璟、黃景昉、蘇觀生、何吾驪、黃鳴俊、陳子壯、林欲楫、曾櫻、朱繼祚、傅冠，皆爲大學士。閣臣至二十餘人，然票旨多王自裁，俱閒無事。或遠未達，軍國大政一委芝龍，行朝仰成而已。

是月，鄭遵謙等起兵紹興，進守錢塘，金聲亦扼徽州，阻上江，由是閩嶺晏然，藉以休甲。尋命芝龍兼戶、兵、工三部尚書，開府天興，坐見九卿，人不揖，出不送。

大清順治二年乙酉，七月朔，王下詔親征，詔曰：「朕痛念祖陵，閔茲萬姓，中心搖搖，如在水火，擇於八月十八日亭午禡祭，親統六師，敕平虜侯芝龍爲御營中軍，定虜侯鴻逵爲左先

鋒^{〔一〕}，尚賴文武諸臣，襄力效謀，有功者賞，朕不爾負。」

命訪求十六朝實錄及古今遺書。諭行在日用以儉樸爲本，有司不得背旨阿奉，違者以不敬論。敕司禮龐天壽，行宮中毋用金玉器，帷幔毋用錦繡濃花洒線，止用居常銅錫布帛。王長齋，日御便殿見大臣，性好讀書，手自披覽，常丙夜不休。

南都之敗，馬士英奔浙江，潞王監國，時猶持故態，執黃道周章不下。後遇亂軍，踉蹌流涕，落屣竄方國安營中。聞王即位，又謀入覲。鄭芝龍雅善之，言士英不即北降，亟欲求立太祖子孫，罪可賞。下其議於朝堂，王出獨斷，傳諭各關軍將，毋納士英。

初，王在杭州，訪故臣於張家玉，家玉舉黃道周，王曰：「得此商彝周鼎，當爲廊廟羽儀。」至是，道周自衢州入見，喜，稱之曰：「真名相也！」即日，晉少保吏部尚書武英殿大學士，入閣辦事。王以家玉直起居注，家玉言：「唐魏謩爲文宗起居舍人，文無避諱，不令人主見。今陛下自待豈啻唐宗，臣愚亦不肯居魏謩下。」王嘉納。家玉嘗薦句容人何成吾、敏吾兄弟，天下奇才，乃心明室，且家近南都，可觀釁；又句容知縣宗室議縱，王心識之。及金聲自徽州遣諸生戴明恩齋奏至，詔陞聲兵部侍郎、僉都御史，巡撫池太徽寧。因授成吾總兵，敏吾爲副，與聲犄角，共取南京。敕成吾曰：「兵行所至，不可妄殺。有髮爲順民，無髮爲難民，此十字可切記也！」敕議縱曰：「朕自許忠孝，爲法受過，百折千磨。今爲祖宗復仇，有進無退。宗卿，朕猶子行，其克悉朕心，出險亨屯，助朕以助祖宗，於乎欽哉！高廟亦孚祐爾於無窮。」議

〔一〕「平虜侯」、「定虜侯」，諸本皆誤刻作「平魯侯」、「定魯侯」。

縱、成吾等結七十二村，聚衆至八千人，卒不就，而徽州告急。

大清兵進建昌，命永勝伯鄭彩出關援之。汀州大旱，斗米三百錢。王決意親行，乃封弟聿鏞爲唐王，監國福州，某爲鄧王，協守都城。駕發芋江，父老遮道泣留，復止，鄭芝龍沮之也。是月，以副總兵施福守崇安關，命首輔道周出師江西。浙東諸將奉魯王以海監國於紹興。王即位詔至，魯王欲守藩，大臣張國維、熊汝霖、陳函輝等，以爲舉足一動，義師星散，浙亡，閩亦危，願堅奉監國，以督勵將士。事成，入關者王。於是不受隆武年號，使者劉中藻廢然而返。王心雖弗能善，然猶藉錢塘爲外屏，手書致魯王曰：「朕與王同氣，共本聖祖，王無忘朕之焦勞，朕無忘王之危危，一誠金石，豈惑浮詞？」當遣兵赴王，上報孝陵，王其愛玉體，以需天休！」

八月乙酉，以鄭芝豹爲前軍左都督，賜總兵黃蜚璽書，令屯太湖，收兵聯絡三吳。庚寅，以黃斌卿爲官義兵馬招討總兵官，帥舟師屯舟山，便宜恢取南京。王御門親餞，百官郊送。

壬辰，立妃曾氏爲皇后。后性警敏，頗知書，有賢能聲。每召對奏事，后於屏後聽，共決進止，王頗嚴憚之。罪倡逃，辟邵武知府吳文煒，絞推官朱健，敘廣信知府解立敬，鉛山典史周寅生守城功。贛州告急，命上游巡撫吳春枝，移駐邵武；汀州總兵陳秀援建昌；參將周之蕃剿武平；以陳豹爲防海將軍，鎮漳、泉、興、汀、惠、潮；授南昌人羅大任少詹事，募兵恢南昌；黃雲師大理少卿，募兵恢九江、南饒；贛州人曾應遴兵科給事中，募兵援贛州；遣張家玉監鄭彩軍，招撫丘華，謝朝恩。